



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. CXII. Beatus uir timet Dominum: in mandatis eius, &c. Carm. gen. 3.

[urn:nbn:de:hbz:466:1-69145](https://nbn-resolving.de/urn:nbn:de:hbz:466:1-69145)

Quippe Dei sanctum est & formidabile nomen,
 Ac sancte sua pacta tuetur:
Exigit & duras uiolato fœdere poenas.
 Hunc colere ex animoq; uereri
 Viuendi recte fons & sapientia prima est.
 Hanc cunctos qui dirigit actus
 Ad metam, uerè sapit: hunc uentura nepotum
 Semper dicent sœcla beatum.

PSAL. CXII. Beatus uir qui timet Domini
 num: in mandatis eius, &c. Carm. gen. 3.

B eatus ille qui Deum rerum patrem
 Pietate non ficta colit:
 Dei q; gaudet legibus: mores suos
 Formare ad illas nititur.
 Late per urbes diuites potentiam
 Eius propago proferet.
 Prolem piorum numinis benignitas
 Larga beabit dextera.
 Res affluenter suppetet semper domi
 Illi: nec ætas longior
 Obliterabit æquitatis gloriam
 Fructumq;. Quum premet malos
 Fortuna, saeuo gestiens ludibrio
 Mutare summis infima,
 Benignitatis tum suæ iustis Deus
 Lucem in tenebris offeret.
 Clemens bonusq; in omnibus periculis
 Stirpem piorum muniet.
 Misertus inopis uir bonus, larga manu
 Succur-

Succurret indigentiae:

Sic cuncta iusto temperans examine,
Nec uerba temere ut excidant.

Non turbo fortis cuncta quatentis, loco
Mouebit illum, nec dies

Suprema famam condet eius inuida
Obluij silentio.

No n luor illum falsa gaudens spargere
Terrebit, aut calumnia:

Bellue rumor, aut cegitas lurida,
Fragorq; leti proximi:

Sed mente firma prouocat discrimina,
Deoq; solo nititur.

Ceu cana rupes murmurantis æquoris
Spernit minaces impetus:

Sic ille certa interritus fiducia
Sortis procellas sustinet:

Ac sustinebit, dum ruin as hostium
Saluus suorum aspexerit.

Opes uolucris instar auræ mobiles
Largitus est cgentibus,

Sibi æquitatis gloriam superstitem
Seruauit: orbe gloriam

Viuaciorem, nec senectæ dentibus
Aeruginosæ obnoxiam.

Dum laude clarum, req; lautum splendida
Spectabit impius piuum,

Curæq; mentem uellicabunt anxie,
Succumq; carpent corporis,

Dentem fatigans dente ringetur, lue
Se macerabit tabida.

Dominus

Dominus malorum uota ridet irrita,
Spes ut modestas promouet.

PSAL. CXIII. Laudate pueri Domini-
num, laudate nomen Domini, &c.

Carm. gen. 25.

P Sallite Dominum pueri, Domini
Nomen festo tollite cantu.
Nomen Domini sit benedictum,
Et sæclorum in sæcula longi
Nulla obliuio sentiat æui.
Primo à carcere solis Eoi
Ad purpureos usq; Occasus,
Omnes Domini nomen adorent,
Qui gentes super arduus omnes
Celsas ætheris incolit arces.
Cuius longè gloria mundi
Trans flammantia mœnia uecta est.
O pietatis nescia ueræ
Pectora ritu sacra nefando
O qui fingitis, anne deorum
Quenquam Domino similem nostro
Nostis? quem super ardua cæli
Culmina positum nil latet imæ
Sub caua clausum uiscera terræ,
Nil humano procul aspectu
Trans multiplices ætheris orbes:
Inopem terræ qui prostratum
Suscitat, & de puluere egenum

Tollit